

"O'zbekiston-Germaniya 2019" ilmiy-tadqiqot dasturining rejasiga binoan 2019 yil 7-11 oktabr kunlari Germaniyaning Oldenburg universiteti, TATU, TATU Samarqand, Nukus va Urganch filiallari hamkorligida TATUda "Smart city" mavzusida O'zbekiston-Germaniya xalqaro konferentsiyasi bo'lib o'tadi.

O'quv-trening kursi tashkilotchilari: Germaniyaning Oldenburg universiteti, TATU "Yosh olimlar kengashi", TATU Samarqand, Nukus va Urganch filiallari.

O'quv-trening kursi maqsadi: – universitet professor-o'qituvchilari va O'zbekiston Respublikasi Axborot texnologiyalari va kommunikatsiyalarini rivojlantirish Vazirligi qoshidagi soha korxonalari xodimlari uchun "Smart city" dasturi bo'yicha xalqaro tajriba almashish va hamkorlikni yanada mustahkamlash.

O'quv-trening kursi haqida:

Aqlli shahar kontekstida barqaror rivojlanish va mobillik mavzusidagi xalqaro konferentsiya.

Ushbu konferentsiya O'zbekiston, Germaniya va Mug'olistondagi loyiha ishtirokchilari hamkorligida tashkil qilinmoqda. Konferentsiya Traveling Conferences granti doirasida Germaniya ilm-fan va ta'lim vazirligi tomonidan moliyalashtirilgan. Loyihaning maqsadi uning ishtirokchilari o'rasida har tomonlama aloqalarni yanada mustahkamlash va Markaziy Osiyoda Smart City loyihasining nazariy va amaliy maqsadlarini chuqurlashtirilgan tarzda tanishtirish. Bundan tashqari, ilmiy tadqiqotlar va iqtisodiy loyihalarni yanada rivojlantirish uchun ishtirokchilar o'rtasida o'zaro axborot almashinadi.

Konferentsiya Germaniya va O'zbekiston olimlari, ilmiy tadqiqotchilar, ishbilarmonlari va jamoat tashkilotlarini, ilmiy-tadqiqot institutlari va universitetlari vakillarni Smart City kontekstida bilim va tajriba almashish uchun birlashtiradi. Shuningdek, ushbu konferentsiya Germaniya universitetlari va ilmiy-tadqiqot institutlari hamda jamoat tashkilotlari bilan halqaro hamkorlik o'rnatish uchun katta imkoniyat hisoblanadi.

TATU matbuot xizmati